

§ 3. Inter religiosos exsecutio sententiae spectat ad Superiorem, qui definitivam sententiam tulit aut iudicem delegavit.

1. In causis matrimonialibus et criminalibus exsecutio in ipso textu sententiae ponitur, et consistit in participatione scripta sententiae facta actori et reo a iudice qui sententiam emisit. In criminalibus reus tenetur obedire mandatis intra decem dies, alioquin iudex statuet mulctas pecuniarias, applicandas locis piis, et pro conditione et statu personae victae potest suspendere, deponere atque excommunicare.

2. Exsecutio vero in actionibus personalibus facienda est post quadrimestre, quod tamen tempus a iudice prorogari vel, parte consentiente, arctari potest, ex cap. 15, Tit. XXVII, Lib. II. Nam cum victus condemnatus sit ad aliquid dandum, faciendum atque praestandum, aequum est ut aliquod temporis spatium eidem concedatur. In actionibus realibus exsecutio statim post 10 dies ab edita sententia decerni potest in rem litigiosam, quia haec, exceptis particularibus casibus, praesto est ad restituendum.

Decretum executionis separato decreto:

*Cum nostra sententia in causa prolata die etc. responsum fuerit dubio concordato:*

*ad primum affirmative seu constare de iure actoris in casu, decernimus*

*expensas iudiciales solvendas esse a convento (vel inter partes compensandas, vel etc.).....*

*et mandamus Curiae Officialibus ad quos spectat ut iuxta dispositionem can. 1877 hanc definitivam sententiam publicent, salvo tamen iure appellationis, querelae nullitatis et oppositionis, caeterisque iuribus et officiis per SS. Canones statutis; et insuper decernimus, mandantes Ordinariis locorum, ministris tribunalium, aliisque, ut executioni mandent hanc nostram definitivam sententiam, et adversus reluctantes procedant ad normam iuris ac praesertim Cod. I. C. tit. XVII de executione sententiae, lib. IV, iis adhibitis mediis executivis et coërcitivis, quae pro rerum adiunctis magis opportuna et efficacia videantur.*

*Datum etc.*

Notarius N.

Officialis N.  
iudex N.  
iudex N.

## PARS TERTIA

### SPECIMEN PROCESSUS MATRIMONIALIS

*Decretum pro constitutione tribunalis Parisien.  
nullitatis matrimonii.*

Cum Nobis oblatus sit supplex libellus ab actore N. N. ut coram Tribunali primae instantiae causa pertractetur ex capite *conditionis sine qua non in consensu matrimoniali*, ipsum libellum remittimus Rev.mo Curiae Nostrae Officiali, ut causam pertractet ad normam iuris.

Cum autem, ex can. 1576, in casu requiratur tribunal collegiale, ipsum iuxta canones rite constituendum volumus et per praesens decretum deputamus et nominamus ad huiusmodi causam pertractandam, una cum supradicto Officiali, in iudices adiutores Rev.mum N. N. et Rev.mum N. N., in Defensorem Vinculi Rev.mum N. N., in Notarium N. N., in cursorem et apparitorem Rev.mum N. N., tribuentes eis facultates necessarias et opportunas ad omnia acta iudicialia explenda, usque ad publicationem sententiae.

Datum ex Nostra residentia die tertia Ianuarii 1932.

N. N. Cancellarius.

† N. Archiepiscopus.

*Curia Archiepiscopalis Parisien.*

*Tribunal Parisien.: Nullitatis matrimonii N. N. Prot. n. 12/32*

Instrumentum iuramenti praestiti a constit. Tribunali.

Ego infrascriptus Notarius fidem facio quod die nona mensis Ianuarii anni 1932 coram Rev.mo D. D. Vicario Generali Em.mi Ordinarii huius Dioecesis, duo Iudices adiutores, Vinculi Defensor et



alii deputati ab eodem Em.mo Archiepiscopo, decreto diei etc. pro constitutione processus in causa, de qua supra, iuramentum de munere fideliter obeundo et de secreto servando, tacto pectore, more sacerdotum, coram SS. Evangeliiis, praestiterunt proferentes singuli sequentem formulam, quam omnes pariter subscripserunt, ut infra:

« Ego N. N. in..... deputatus, spondeo, voveo, ac iuro munus et officium mihi demandatum me fideliter, quacunq[ue] humana affectione postposita, et sincere, quantum in me est, executurum, secretum officii circa omnia quae ratione mei muneris noverim, et maxime circa documenta secreta, et disceptationem in consilio habitam, servaturum. Sic me Deus adiuvet, et haec SS. Dei Evangelia ».

Firmatus N. Iudex  
N. Iudex  
N. Def. Vinc.  
N. Cursor  
N. Notarius-actuarius.

Rev.mus D. Officialis iuramentum non praestitit, quia cum sit deputatus ad universitatem causarum, iuramentum praestitit coram Em.mo Archiepiscopo.

N. Notarius.

### SESSIO PRIMA

Anno Domini 1932, die vero 27 mensis Aprilis, hora decima ante meridiem, in aedibus Curiae Archiepiscopalis, in aula Tribunalis, praesentibus Rev.mo Officiali, Ponente in causa, Rev.mis DD. N. et N. Iudicibus adiunctis, et Rev.mo Vinculi Defensore, meque infrascripto Actuaria, idem Officialis post invocationem Spiritus Sancti iussit ut supplex libellus, iam Archiepiscopo oblatus, et Nostro Tribunali traditus, perlegeretur, quem subscriptus legit, ut sequitur:

Eminence,

J'ai l'honneur de solliciter de Votre Eminence la déclaration de nullité du mariage religieux que j'ai contracté le 8 Février 1919 en l'Eglise paroissiale Notre-Dame avec E. Sopin, actuellement domiciliée 91 Boulevard de la République à Denain.

Ce mariage est nul parce que E. Sopin en contractant mariage, a eu la volonté formelle d'exclure tout enfant à jamais comme résulte de lettre. C'était donc chez elle une condition *sine qua non* de son consentement.

Que Votre Eminence veuille bien m'autoriser à faire la preuve nécessaire devant le Tribunal de l'Officialité.

Je joins à cette requête la liste de mes témoins et une copie de l'acte de mariage.

J'invoque la compétence de l'Officialité de Paris en vertu du canon 93, car ma femme ayant abandonné le domicile conjugal n'est pas *legitime separata*.

Daigne, Votre Eminence, agréer l'hommage de mon profond respect.

Paris, le 18 Déc. 1931, 790 rue Béliard, 218°.

Dont H.

Postea legitur: *Fides de celebrato matrimonio*.

Extrait du registre des actes de mariage de la Paroisse de Notre-Dame (Diocèse de Paris).

Le 8 Février mil neuf cent dix neuf;

Après la publication de 3 Bans faite en cette paroisse les 12, 19 et 26 Janvier, et semblable publication faite dans la paroisse de St Joseph de Denain comme il nous est apparu par le certificat de Mr le Curé de la dite paroisse, en date du 27 Janvier, sans aucune réclamation ni empêchement canonique;

Ont contracté mariage devant nous, soussigné Vicaire de Notre-Dame:

H. Dont, né à A. (Nord) le 12 Décembre 1891, baptisé à A. le 12 Décembre 1891, fils majeur de N. Dont et Victorie Tas d'une part:

Et E. Sopin, née à D., le 23 Mai 1893, baptisée à St-Martin le 9 Juillet 1893, fille majeure de P. Sopin et de J. Leb., d'autre part;

Et ce en présence de Pert Maurice, Foller Marie, Pierre Bon, Louis Bartenez témoins requis, qui ont signé avec nous le présent acte.

Signatures:

Brunite Vic.



*Notula testium qui citandi sunt ad deponendum.*

1. A. Lerin, degens Parisiis, 20 rue St Pierre.
2. N. Dont, degens Parisiis, 5 rue St Paul.
3. Victoria Tas, degens Parisiis, 5 rue St Paul.
4. Aemilia Desen, degens Parisiis, 22 rue Jumin.
5. Lea Hayez, degens Parisiis, 9 rue St Denis.
6. Lina Hayez, degens Parisiis, 20 rue de la Senne.
7. Anna Delseau, degens Parisiis, 5 rue des Primevères.
8. Lucia Barth, degens Massiliae, 7 rue Paul Bert.
9. T. Dibois, degens Parisiis, 8 rue St Denis.
10. Louis Nain, degens Parisiis, 10 rue St Denis.

SESSIO SECUNDA

Anno Domini 1932, die vero 2 Maii, hora 10 antem., in aedibus Curiae Archiep., in aula Tribunalis, praesentibus Rev.mo Officiali, Ponente in causa, Rev.mis DD. N. et N. Iudicibus, et Rev.mo Vinculi Defensore, meque infrascripto Actuario, idem Officialis post Sancti Spiritus invocationem iussit Actuario ut legantur, et de iis fiat mentio in actis, sequentia documenta:

Subscriptus H. Dont fil. N. praesenti documento nominat suum advocatum seu procuratorem I. Benedetti Romae degentem cum facultate faciendi et emittendi, suo nomine, omnes actus utiles et necessarios in processu nullitatis matrimonii, promoti ante tribunal dioecesanum primae instantiae, vel etiam secundae instantiae, vel apud S. Rom. Rotam. Datum 18 Dec. 1931.

H. Dont.

Dein legitur:

Subscriptus H. Dont fil. N. domo Parisien. supplicem libellum obtulit Em.mo Archiepiscopo ad obtinendam declarationem nullitatis sui matrimonii. Cum non sit solvendo expensas pro processu coram Tribunali Ecclesiastico, humiliter poseit ut gratuitum patrocini-um concedatur, depositis tamen fr. 100 pro expensis cancellariae.

Addict.

H. Dont.

Officialis emisit hoc decretum:

Visa petitione H. Dont, mittatur ad Vinculi Defensorem pro voto.

Die 2 Febr. 1932.

N. Officialis

Attenta oratoris eiusque parentum conditione, gratuitum patrocini-um concedi posse censeo, soluta tamen summa Fr. 100 (centum) pro expensis a Tribunali faciendis. Nihil obstat, visis actis, quominus ad ulteriora procedatur.

Die 10 Febr. 1932.

M. Def. Vinculi

Iudices, omnibus perpensis, hoc decretum emiserunt:

Pro gratia gratuitum patrocini-um oratori concedatur, qui curet deponere in arca Curiae Archiepisc. summam Fr. 100 (centum), et gratuitum patrocini-um praestabit advocatus ut supra.

Rev.mi iudices, visis litteris Em.mi Archiepiscopi Parisien. et perlecto supplici libello actoris H. Dont, munus sibi commissum libenter acceptarunt sese iudices competentes declarando, praesertim ex loco celebrationis matrimonii initi in hac civitate Parisien.; cum autem decernere non putarent, utrum libellum utpote fundamento aliquo iuridico innixum, admittere possent vel reiicere deberent, ipsis documentis necessariis deficientibus (utpote epistola mulieris conventae de qua in libello) ad quaestionem praedictam responderunt: Dilata, donec afferantur documenta de quibus supra.

De hisce omnibus redacta est praesens relatio quae subscribitur a iudicibus, necnon a Defensore Vinculi et a me infrascripto Actuario.

N. Officialis

L. Iudex

L. Iudex

M. Def. Vinculi

N. Actuarius.

Cum autem actor praesentaverit documentum expetitur, tribunal libellum admittit, et statuit ut sequenti sessione procedatur ad litis contestationem et decretum hoc iussit publicari:

Cum Tribunal iam acceptaverit libellum actoris H. Dont et procedatur oportet ad litis contestationem seu dubium concordandum tenore praesentis decreti citari decrevit, ut de facto citat, actorem H. Dont degentem Parisiis et conventam E. Sopin degentem Denain, ut per se vel legitimum procuratorem compareant in Sede Tribunalis die 9 mensis Maii anni. 1932 et hora 10, ad



dubium concordandum. Huiusmodi decretum intimetur partibus, nec non Vinc. Def. et exemplar allegetur actis processus.

Datum Parisiis die 2 Maii 1932.

Actuarius N.

Officialis N.

*Instantia actoris.*

Subscriptus instat ut citetur conventa ad comparendum sive per se sive per legitimum procuratorem die et hora a Tribunali determinandis ad concordandum de dubio disputando, cum declaratione quod si pars non compareat contra ipsam fiet decretum de contumacia et iudicium in eius contumacia continuabitur.

adv. I. Benedetti procurator.

*Citatio.*

Tribunal Ecclesiasticum cum procedatur oportet ad litis contestationem citat actorem H. Dont ad comparendum, vel per se, vel per suum legitimum procuratorem, in Sede Tribunalis apud hanc Curiam metropolitanam die 9 Maii 1932 hora 10 ad dubium concordandum.

Datum Parisiis, die 3 Maii 1932.

Actuarius N.

Officialis N.

Similis citatio tradenda conventae.

*Relatio cursoris.*

Ego subscriptus cursor Tribunalis Ecel. Metropolitanani tradidi citationis exemplar Dno H. Dont, degentem in hac civitate 790 Rue Béliard, in manibus famuli, qui onus accepit illud tradendi ipsi Dno H. Dont.

Parisiis, die 3 Maii 1932.

Pro H. Dont citato  
Pierre Elin

Cursor N.

Similis relatio cursoris pro conventa.

SESSIO TERTIA

Anno Domini 1932 mense Maio, die 9, hora 10 praesentibus in aula tribunalis Curiae dioecesanae, N. N. Officiali et praeside, N. Iudice synodali et N. Iudice synodali, N. Vinculi Defensore, necnon infrascripto Notario, comparuit I. Benedetti Procurator et Advocatus legitime deputatus.

Absente conventa legitime citata, ut constat ex relatione cursoris, et ex decreto comminationis contumaciae, quae nec comparuit nec suam absentiam iustificavit, statutum est quaestionem solvendam hoc concordato dubio:

An constet de nullitate matrimonii ex capite conditionis sine qua non in consensu? — sequens decretum editum est:

Cum E. Sopin, degens Denain, conventa in causa, citata ad comparendum die 9 mensis Maii anni 1932 hora decima antemerid. in aedibus Tribunalis Curiae Archiepiscopalis pro litis contestatione, minime comparuerit et nullam excusationem attulerit, Tribunal, audito Vinculi Defensore, eam contumacem declarat et uti talem retineri decernit.

Decernit insuper Tribunal ut parti contumaci id notum statim fiat ex officio, ut, si velit, exceptiones contra dubiorum seu articulorum formulam possit proponere, et a contumacia se purgare inter spatium octo dierum, quo inutiliter elapso, ius perimitur.

Datum die 9 Maii 1932.

Notarius N.

N. Officialis

L. Iudex

L. Iudex

M. Vinculi Def.

SESSIO QUARTA

Anno Domini 1932, die vero 18 Maii hora 10 antemerid. in aedibus Curiae Archiep. in aula Tribunalis, praesentibus Rev.mo N. Officiali, praeside, Rev.mis N. et N. Iudicibus et Rev.mo Defensore Vinculi, meque infrascripto Notario, idem Officialis post invocationem Spiritus Sancti sessionem quartam apertam declarat.

Comparuit procurator actoris et, expectata hora praefixa et dimidia parte horae immediate sequentis signata, attenta citatione vel intimatione, accusavit contumaciam partis E. Sopin et prote-